



Inatsisartunut ilaasortaq  
Pipaluk Lyng-Rasmussen  
Inuit Ataqatigiit  
/Maani

## **Plastikkitt pillugit §37-mut apeqqummut nr. 042-2021 akissuteqaat**

Asasara Pipaluk Lyng-Rasmussen

Inatsisartut Suleriusaat § 37 Naalakkersuisunut apeqquteqarsimavutit iliuusissatut pilersaarummi ”Pinngortitami plastikkitt ikinnerusut”, nioqqutissiat ataasiaannarlugit atorreqartartut kiisalu mikroplastinit atisanik tunisassiornerit. Apeqqutit uannit akineqartussanngortinneqarsimapput.

Allakkap ullua: 21-05-2021  
Suliap normua.: 2019 - 12197  
Allakkiap ilisamaataa:  
16888243

Postboks 1614  
3900 Nuuk  
Oqar.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

### **1. Iliuusissatut pilersaarummi ”Pinngortitami plastikkitt ikinnerusut” suna killiffiua?**

#### **Akissut:**

Suliniutissanut pilersaarut ”Pinngortitami plastikkeqannginnerussaaq”, Inatsisartunut ilaasortamit Mimi Karlsenimit, Inuit Ataqatigiinneersumit, 2019-imi Upernaakkut ataatsimiinnermi (UPA2019/172) aalajangiiiffigisassatut siunnersuut tunngavigalugu suliarineqarpoq. Siunnersuut atituumik tapersorsorneqarpoq. Suliniutissanut pilersaarummut missingiut piffissami 10. juni - 26. august 2020 tamanut ammasumik tusarniaassutigineqarpoq. Suliniutissanut pilersaarut Naalakkersuisunit pingaartinneqarpoq aammalu 2021-mi aggusti naatinnagu tamanut saqqummiunneqarnissaa naatsorsuutigineqarluni.

### **2. ”Pinngortitami plastikkitt ikinnerusut” suliniutissatut pilersaarummik suliniarneq Naalakkersuisut nanginniarpaat?**

#### **Akissut:**

Aap. Aamma takuuk apeqqummut 1-imut akissut.

### **3. Naalakkersuisut nioqqutissiat ataasiaannarlugit atorreqartartut atorreqarnerannik inerteqquteqalersarpaat?**

#### **Akissut:**

Plastikkitt ataasiaannarlugit atorreqartartut aalajangersimasumik suussusillit inerteqqutiginnissaannut periarfissat Naalakkersuisut erseqqinnerusumik misissorniarpaat. Suliniutissanut pilersaarummi ”Pinngortitami plastikkeqannginnerussaaq” 2023-mi plastikkitt ataasiaannarlugit atorreqartartut arlallit inerteqqutigineqarnissaat siunnersuutigineqarpoq.

**a. Aappiuppat, plastikit ataasiaannarlugit ator neqartut suut inerteqqummut ilaatinneqassappat?**

**Akissut:**

Inerteqquteqarnermi plastikkit ataasiaannarlugit ator neqartartut suut pineqartunut ilaatinneqassanersut inaarutaasumik aalajangerneqanngilaq. Ilaatigut vatpinde-t, pullartat kanaartaat, nerinermut atortut ataasiartakkat aamma milluaatit, plastikkinik ataasiaannarlugit ator neqartartunik inerteqquteqarnermit sunnerneqarsinnaasut, suliniutissanut pilersaarummi ”Pinngortitami plastikkeqannginnerussaaq” saqqummiunneqarpoq.

**b. Taamatut inerteqquteqarnermi innuttaasunut, namminersorlutik inuussutissarsiortunut pisortanullu allaffissornikkut aningaasatigullu kinguneqaatit suussappat?**

**Akissut:**

Suliniutissanut pilersaarut ”Pinngortitami pplastikkkit ikinnerusut” innersuussutigaara, tassani plastikkinik ataasiaannarlugit ator neqartartunik inerteqquteqarnermi aningaasaqarnikkut sunniutaasussat makkua nassuiarneqarput:

”Inerteqquteqarneq inuussutissarsiortut (pisiniarfiit ulluinnarni nioqqutissanik nioqqutillit aamma atugassanik niuertut) iluanaarutissaminnik **annaasaqarnerannik** malitseqassaaq, tassami pisiniarfiit tunisassianik plastikkinik ataasiaannagassanik arlalinnik tuniniaasinnaajunnaassammata. Taamaattoq naatsorsuutigineqarpoq pisiniarfiit ulluinnarni atugassanik nioqquteqartut allanik avatangiisinut mingutsitsinnginnerusunik tuniniaanerulernerminni annaasaqaatit ilaannik annertuunik utertitsisinnaassasut. Atuisartut tunisassianut plastikkinut ataasiaannagassanut taartaasunut akigititat qaffasinnerusut misigisinnaavaat. Paarlattuanik taartaasussat taakkua arlallit arlaleriarluni ator neqarsinnaassapput, tamannalu taakkua avatangiisinut mingutsitsinnginnerusumik pissusilersortalernissaq toqqarpassuk atuisartut sipaaruteqarnerannik malitseqarsinnaavoq.”

Maannakkorpiaq itisiliinerusumik misissueqqissaartoqarsimanngilaq.

**4. Annoraamernit pinngortitamut innarliisarnerat pillugu innuttaasunik paasissutissiinissamik Naalakkersuisut suliniuteqalersaarpat, tassani mikroplastinik pinngortitamut siaruaaneq atisanillu tunisassiornerit ilanngullugit?**

**Akissut:**

Maannakkorpiaq annoraamernit kiisalu mikroplastit annoraaminerneersut aamma atisat avatangiisinut innarliisarnerat pillugu paasititsiniaanissamik pilersaaruteqartoqanngilaq.

Suliniutissanut pilersaarummi ”Pinnngortitami plastikkeqannginnerussaaq” pinnngortitami mikroplastit annikillisinnissaannut suliniutissat arlallit saqqummiunneqarput.

- a. Annoraamernit pinnngortitamut innarliisarnerat pillugu innuttaasunik paasissutissiinissamik Naalakkersuisut suliniuteqalersaarpat, tassani mikroplastinik pinnngortitamut siaruaaneq atisanillu tunisassiornerit ilanngullugit?**

**Akissut:**

Annoraamernit kiisalu mikroplastit annoraaminerneersut aamma atisat avatangiisinut innarliisarnerat pillugu suliniutissanik paasititsiniaanermi allaffissornikkut aningaasaqarnikkullu sunniutaasussat qulaajarneqanngillat.

Inussiarnersumik inuulluaqqusillunga



Kalistat Lund